



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**

2. Quae sit Euangelica satisfactio, quam à nobis exigit Christus.

**urn:nbn:de:hbz:466:1-29452**

CATECH. C. CLING.  
CAPVT XXXI.  
ARGVMENTA.

1. *Quomodo Christus pro peccatis nostris satisfecit sua morte.*
2. *Quae sit Euangelica satisfactio, quam à nobis exigit Christus.*
3. *Quae sit Ecclesiae satisfactio secundum Canones, & olim fuerit in usu.*

1.



Tota Scriptura solùm vnum ostendit satisfactorem pro peccatis totius mundi, scilicet Christum. Esa. 53. Posuit Deus in eo iniquitatem omnium nostrum, Col 1. Complacuit Patri, per eum reconciliari omnia per sanguinem crucis eius, siue quae in caelis, siue quae in terris sunt. 1. Ioan. 2. Ipse est propitiatio pro peccatis nostris: non pro nostris autem tantum, sed etiam pro totius mundi. Et Ioan. 1. Ecce agnus Dei: &c. Ideò à culpa & poena aeterna peccati solùm nos liberat satisfactio & mors Christi. Nam à culpa peccati & à poena aeterna liberari solùm contingit propter sanguinem Christi, & non opus hominis: neque diuelli debent culpa & poena aeterna, quòd ambo haec Christi mortem respiciunt. Distingui quidem possunt remissio culpae, & remissio temporalium poenarum: Culpa propter sanguinem Christi tollitur, & ira vel poena aeterna: sed temporales poenas, quas meruerunt peccata nostra, mitigamus per opera & fructus poenitentiae nostrae. 1. Corinth. 11. Si nos ipsos diiudicemus, non utique iudicemur à Domino. Est igitur coràm Deo pro culpa & poena aeterna abolenda sola Christi satisfactio. Est autem triplex satisfactio: coram Deo, coram proximo, & coram Ecclesia.

2:

Huius satisfactionis Christi nemo fit particeps, nisi

nisi qui & ipse secundum Euangelium satisfaciat proximo suo. Exigit enim Deus satisfactionem à te erga proximum tuum, & illam docet Euangelium & Scriptura, vt Matth. 5. Vade reconciliari proximo tuo. Item restituere res alienas quas occupamus. Exo. 20. Non furtum facies. Item restituere famam: ibidem, Non falsum testimonium dices contra proximum tuum. Luc. 6. Remittite, & remittetur vobis: date, &c. Item Rom. 13. Nihil quicquam debeatis, nisi vt inuicem vos diligatis Et Matt. 7. Quod vultis vt vobis faciant homines, hoc & vos facite illis. Igitur Euangelium vbiq; ad huiusmodi satisfactionem proximi nos obligat, & illam sic exigit Christus, vt suam satisfactionem coram Deo patre non distribuat nobis, nisi & nos proximo satisfecerimus.

Porro satisfactio quæ est erga Deum, creditur: quæ est erga proximum, necessario exigitur ad salutem. Rursus supra dicta satisfactio exigitur à iam iustificatis & fidelibus per fidem Christi: igitur non satisfacit pro peccatis coram Deo ad abolendam culpam & pœnam æternam. Hoc Christi morti solum debetur, sed tamen valet ad mitigandas pœnas temporarias, quas Deus infligere solet, vt famem, bellum, pestilentiam, incendium, morbum, &c. Deinde est dispositio ad accipiendum Christi satisfactionem, vt efficax in nobis sit ex gratia. Nam tametsi Fides accipit Christi beneficium, fides tamen vera non est, nec Christi beneficium est efficax, si non aderit & nostra satisfactio erga proximum, atq; pœnitentia.

Est quædam satisfactio coram Ecclesia, qua olim famosi peccatores non recipiebantur in Ecclesiam sine publica castigatione, quam castigationem vocabant Patres satisfactionem. Accesserunt & canones Patrum, quibus pro vno peccato septennis pœnitentia imponebatur, & minus & supra: Et sic publicæ spectacula pœnitentiæ, fuerunt externa quædam

3.

dam